

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD TUZLA**

**Služba civilne zaštite**

Broj: 11-11-650-1/26

Tuzla, 15.09.2026. godine

Na osnovu člana 8. Pravilnika o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.9.2026. godine i Programa utroška sredstava iz Budžeta Grada Tuzle za 2026. godinu sa pozicije „Tekući transferi neprofitnim organizacijama iz oblasti zaštite i spašavanja na području grada Tuzle“, broj: 11-11-650/26 od 14.9.2026. godine, Služba civilne zaštite Grada Tuzle objavljuje

**JAVNI POZIV**

**za dodjelu sredstava iz Budžeta Grada Tuzle za 2026. godinu sa pozicije  
„Tekući transferi neprofitnim organizacijama iz oblasti zaštite i spašavanja na području  
grada Tuzle“**

**I – Predmet javnog poziva**

Predmet Javnog poziva je dodjela finansijskih sredstava iz Budžeta Grada Tuzle za 2026. godinu na poziciji broj 1201/614311-78 „Tekući transferi neprofitnim organizacijama iz oblasti zaštite i spašavanja na području grada Tuzle“ u iznosu 35.000,00 KM, u cilju pružanje finansijske podrške neprofitnim organizacijama, koje svojim djelovanjem doprinose funkcionisanju, unapređenju i razvoju sistema zaštite i spašavanja od prirodnih i drugih nesreća (u daljem tekstu: zaštita i spašavanje) na području grada Tuzle.

**II – Namjena sredstava**

Sredstva sa pozicije „Tekući transferi neprofitnim organizacijama iz oblasti zaštite i spašavanja na području grada Tuzle“ se mogu koristiti za finansiranje planiranih aktivnosti u tekućoj godini, koje su neposredno povezane sa djelovanjem organizacija u oblasti zaštite i spašavanja i koje su u skladu sa namjenom utvrđenom Pravilnikom o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine, ovim Programom i javnim pozivom.

Sredstva se mogu koristiti za:

- a) obuke, kurseve, seminare, treninge, vježbe, takmičenja i druge aktivnosti osposobljavanja pripadnika organizacije, volontera i stanovništva;
- b) troškove stručnog osposobljavanja, certificiranja i polaganja ispita od značaja za zaštitu i spašavanje;
- c) aktivnosti prve pomoći, dobrovoljnog darivanja krvi, edukacije o minama i NUS-u, kao i druge preventivne i edukativne aktivnosti;
- d) međuinstitucionalne kampove, vježbe i razmjenu iskustava neposredno povezane sa zaštitom i spašavanjem;
- e) obuku i razvoj komunikacijskih kapaciteta,
- f) nabavku potrošnog materijala za obuku, vježbe, prvu pomoć, komunikaciju i spašavanje;

- g) troškove prevoza, smještaja, ishrane, angažovanja stručnih lica i druge logističke troškove neposredno povezane sa realizacijom odobrenih aktivnosti;
- h) izradu, štampanje i distribuciju edukativnih i promotivnih materijala;
- i) održavanje i servisiranje opreme koja se koristi za realizaciju odobrenih aktivnosti;
- j) druge opravdane troškove neposredno povezane sa realizacijom odobrene aktivnosti.

Sredstva se ne mogu koristiti za:

- a) aktivnosti koje nisu povezane sa zaštitom i spašavanjem;
- b) finansiranje političkih aktivnosti;
- c) ostvarivanje lične koristi ili raspodjelu dobiti pojedincima;
- d) finansiranje aktivnosti koje su tokom iste budžetske godine već finansirane iz drugih pozicija Budžeta Grada Tuzle;
- e) troškove nastale usljed operativnog angažovanja u konkretnim akcijama zaštite i spašavanja, osim ako je takva aktivnost prethodno odobrena u okviru prijavljene aktivnosti;
- f) druge namjene koje nisu u skladu sa Pravilnikom o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine, Programom utroška sredstava iz Budžeta Grada Tuzle za 2026. godinu sa pozicije „Tekući transferi neprofitnim organizacijama iz oblasti zaštite i spašavanja na području grada Tuzle“, broj: 11-11-650/26 od 14.9.2026. godine, ovim javnim pozivom i zaključenim ugovorom.

Minimalan iznos sredstava koji se može dodijeliti pojedinačnom aplikantu iznosi 3.000,00 KM, a maksimalan iznos 20.000,00 KM.

### **III - Uslovi za dodjelu sredstava**

Pravo na dodjelu sredstava mogu ostvariti neprofitne organizacije, udruženja i fondacije koje su registrovane u skladu sa važećim propisima Bosne i Hercegovine i koje u skladu sa svojim osnivačkim aktima, registrovanim djelatnostima i posebnim propisima, provode aktivnosti od značaja za zaštitu i spašavanje ljudi, materijalnih dobara od prirodnih i drugih nesreća (u daljem tekstu: aplikanti) i ispunjavaju opće i posebne uslove.

Opći uslovi:

- a) da su osnovani i registrovani u skladu sa važećim propisima u Bosni i Hercegovini;
- b) da imaju registrovano sjedište na području grada Tuzle;
- c) da je njihova djelatnost povezana sa zaštitom i spašavanjem ili da svojim aktivnostima doprinose provođenju aktivnosti od značaja za zaštitu i spašavanje;
- d) da se aktivnosti za koje traže sredstva realizuju na području grada Tuzle;
- e) da imaju odgovarajuće stručne, organizacione, ljudske i/ili tehničke kapacitete za realizaciju prijavljenih aktivnosti;
- f) da su uredno opravdali ranije dodijeljena sredstva iz Budžeta Grada Tuzle, ukoliko su ih koristili.

Posebni uslovi:

- a) da je prijavljena aktivnost jasno definisana i usmjerena na ostvarivanje ciljeva iz oblasti zaštite i spašavanja;
- b) da je prijavljena aktivnost u skladu sa registrovanom djelatnošću i ciljevima aplikanta;
- c) da je prijavljena aktivnost od značaja za zaštitu i spašavanje na području grada Tuzle;
- d) da su planirani troškovi opravdani i neposredno povezani sa realizacijom prijavljene aktivnosti;
- e) da je prijavljena aktivnost realno ostvariva u planiranom periodu i u okviru traženog iznosa sredstava.

Aplikant je dužan uz prijavu dostaviti Program aktivnosti kojim jasno definiše aktivnosti za koje traži finansijska sredstva, ciljeve, očekivane rezultate, korisnike, područje i period realizacije aktivnosti, kao i planirane troškove. Program aktivnosti predstavlja sastavni dio aplikacije i ocjenjuje se u postupku vrednovanja prijave.

#### **IV – Način prijavljivanja**

Prijava na javni poziv podnosi se na propisanom Prijavnom obrascu koji je objavljen u prilogu ovog Javnog poziva i može se preuzeti na službenoj internet stranici Grada Tuzle ([grad.tuzla.ba](http://grad.tuzla.ba)). Uz popunjen Prijavni obrazac, aplikant je obavezan dostaviti sljedeću dokumentaciju:

- Program aktivnosti iz oblasti zaštite i spašavanja za 2026. godinu, potpisan od strane odgovorne osobe aplikanta i ovjeren pečatom aplikanta (original);
- Finansijski plan sredstava koja su neophodna za realizaciju prijavljenih aktivnosti u 2026. godini, a koja se traže od Grada Tuzle napisan na Obrascu za budžet, potpisan od strane odgovorne osobe aplikanta i ovjeren pečatom aplikanta (original) (Obrazac Pregled budžeta je objavljen u prilogu ovog Javnog poziva i može se preuzeti na službenoj internet stranici Grada Tuzle);
- Rješenje o upisu u registar neprofitne organizacije, udruženja/fondacije kod nadležnog organa (original ili ovjerena fotokopija osnovnog rješenja o upisu i rješenja o upisu promjena ukoliko je takvih promjena bilo),
- Izvod iz registra udruženja/fondacija koji nije stariji od šest (6) mjeseci od dana objave Javnog poziva (original ili ovjerena fotokopija);
- Statut neprofitne organizacije, udruženja/fondacije (original ili ovjerena fotokopija);
- Identifikacioni broj (original ili ovjerena fotokopija);
- Potvrda banke o transakcijskom računu aplikanta (original ili ovjerena fotokopija);
- Izjava aplikanta da mu za prijavljenu aktivnost tokom iste budžetske godine nisu već odobrena sredstva iz drugih pozicija Budžeta Grada Tuzle (potpisana od strane odgovorne osobe aplikanta i ovjerena pečatom aplikanta).

#### **V – Provjera aplikacija (prijava)**

Postupak po Javnom pozivu provodi tročlana Komisija za ocjenjivanje i odabir aplikacija (u daljem tekstu: Komisija) koju rješenjem imenuje Pomoćnik gradonačelnika za Službu civilne zaštite.

Komisija utvrđuje blagovremenost i potpunost aplikacije te ispunjavanje općih i posebnih uslova iz tačke III ovog Javnog poziva, i ocjenjuje istu u skladu sa kriterijima utvrđenim u Pravilniku o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transferi neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.9.2026. godine i Obrascu za ocjenu prijave koji je sastavni dio Programa utroška sredstava iz Budžeta Grada Tuzle za 2026. godinu sa pozicije „Tekući transferi neprofitnim organizacijama iz oblasti zaštite i spašavanja na području grada Tuzla“, broj: 11-11-650/26 od 14.9.2026. godine koji se može preuzeti na zvaničnoj internet stranici Grada Tuzle ([grad.tuzla.ba](http://grad.tuzla.ba)).

Po okončanju postupka ocjenjivanja Komisija dostavlja Pomoćniku gradonačelnika za Službu civilne zaštite zapisnik o radu i Listu o odabiru aplikacija sa brojem bodova i predloženim iznosom finansijskih sredstava za dodjelu. Lista o odabiru aplikacija, koja treba sadržavati i aplikante koji nisu ispunili uslove javnog poziva sa naznakom koji uslov nije ispunjen, bit će objavljena na službenoj internet stranici Grada Tuzle ([grad.tuzla.ba](http://grad.tuzla.ba)).

Nezadovoljni aplikanti mogu podnijeti prigovor u roku od sedam (7) dana od dana objave Liste o odabiru aplikacija na službenoj internet stranici Grada Tuzle. Prigovor se podnosi u pismenoj

formi, uz jasno obrazloženje o razlozima podnošenja. Podnesene prigovore razmatra i o istim odlučuje Drugostepena komisija koju imenuje Pomoćnik gradonačelnika za Službu civilne zaštite. O podnesenom prigovoru Drugostepena komisije odlučuje u formi obavještenja koje se dostavlja podnosiocu prigovora. Po okončanju postupka po prigovorima, Drugostepena komisija sačinjava Konačnu listu o odabiru aplikacija sa predloženim iznosom finansijskih sredstava za dodjelu i zapisnik o radu Drugostepene komisije. Konačna lista o odabiru aplikacija objavljuje se na službenoj internet stranici Grada Tuzle.

Na osnovu Konačne liste o odabiru aplikacija, Pomoćnik gradonačelnika za Službu civilne zaštite donosi Program raspodjele sredstava sa namjenske budžetske pozicije „Tekući transferi neprofitnim organizacijama iz oblasti zaštite i spašavanja na području grada Tuzla“

Nakon donošenja Programa raspodjele, Pomoćnik gradonačelnika za Službu civilne zaštite sa odabranim aplikantima zaključuje ugovore o dodjeli sredstava, u kojima će biti definisana međusobna prava i obaveze u pogledu načina njihovog korištenja.

#### **VI - Trajanje javnog poziva i podnošenje aplikacija (prijava)**

Javni poziv je otvoren 15 dana od dana objave, tako da je zadnji rok za predaju prijave 30.9.2026. godine.

Prijave na ovaj Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnice Grada Tuzle) u zgradi Gradske uprave ili u prostorijama Službe civilne zaštite (Pisarnice Službe civilne zaštite) ili preporučeno poštom na adresu:

**GRAD TUZLA**

**Služba civilne zaštite**

**Ul. Aleja Alije Izetbegovića broj 4, 75000 Tuzla**

**sa naznakom:**

**za dodjelu sredstava iz Budžeta Grada Tuzle za 2026. godinu sa pozicije**

**„Tekući transferi neprofitnim organizacijama iz oblasti zaštite i spašavanja na području grada Tuzle“**

**- ne otvarati –**

Neblagovremene i nepotpune prijave neće se uzeti u razmatranje, kao ni prijave aplikanata koji nisu izvršili svoje obaveze u vezi sa ranije doznačenim finansijskim sredstvima iz Budžeta Grada Tuzle i u kojima namjena sredstava nije definisana u skladu sa tačkom II ovog Javnog poziva.

Sve dodatne informacije o načinu i postupku učešća u ovom Javnom pozivu, mogu se dobiti u Službi civilne zaštite putem telefona: 035/307-540.